

三才圖會

三才圖會

雲間允明父王思義續集

草木五卷

草類

劉寄奴

骨碎補

連翹

續隨子

山豆根

菌茹

金星草

葎草

鶴虱

蜜休

赤地利

紫萸

陸英

穀精草

預知子

葫蘆巴

木賊

蒲公草

牛扁

酢漿草

夏枯草

苘實

地錦草

海金沙

水英

麗春草

坐墊草

紫堇

杏葉草

水甘草

地柏

紫背龍牙

攀倒甌

佛甲草

百乳草

撮石合草

石莧

百兩金

小青

曲節草

劉寄奴



劉寄奴

劉寄奴草生江南今河中府孟州漢中亦有之春生苗莖似艾蒿上有四稜高三二尺已來葉青似柳四月開碎小黃白花形如瓦松七月結實似黍而細一莖上有數穗互生根淡紫色似蒿莖六月七月採苗花子通用味苦溫主破血下脹治湯火瘡至妙

骨碎補



骨碎補

骨碎補生江南淮浙陝西夔路州郡亦有之根生大木或石上多在背陰處引根成條上有黃毛及短葉附之又有大葉成枝面青綠色青黃點背青白色有赤紫點春生葉至冬乾黃無花實惟根入藥採無時削去毛用之本名胡孫蓋唐明皇以其主折傷有奇効故作此名一名石菴蘭味苦溫無毒主破血止血補傷折治虛氣攻牙齒痛血出牙斷痒痛

翹

運



連翹生泰山谷河中江寧府澤潤淄兗岳利州南康等
皆有之有大翹小翹二種生下濕地或山崗上葉青苗而
狹長如榆葉莖赤色高三四尺許花黃可愛秋結實似蓮
作房翹出衆草以此得名根黃如蒿根八月採房陰乾其
小翹生崗原之上葉花實皆似大翹而細亦名旱連草今
南方醫家說云連翹蓋有兩種一種似椿實之未開者殼
小堅而外完無跗萼剖之則中解氣甚芬馥一種乃如茵
蓐殼柔外有跗萼抱之無紋脉亦無香氣一名異翹一名
蘭莘一名折根

一名軹一名三無味苦平無毒王寒熱鼠
瘦燥癰癘腫惡瘡癭瘤結熱蠱毒去白毒

續隨子



續隨子

續隨子生蜀郡及處處有之苗如大戟初生一莖莖端生
葉葉中復出數莖相續花亦類大戟自葉中抽幹而生實
青有殼人家園亭中多種以爲飾秋種冬長春秀夏實故
又名拒冬實一名千金子味辛溫有毒主婦人血結月閉
癥瘕疝癖瘀血蠱毒鬼疰心腹痛冷氣脹滿利大小腸除
痰飲積聚下惡滯物莖中白汁去黥黥

山 豆 根



三才圖會卷之草木五

山豆根

山豆根生劔南山谷今廣西亦有之以忠萬州者佳苗蔓如豆根以此爲名葉青經冬不凋八月採根用廣南者如小槐高尺餘味甘寒無毒王解諸藥毒止痛消瘡腫毒人及馬惡黃發熱咳嗽殺小蟲

茹

藺



三下圖

藺茹

藺茹生代郡州谷今河陽淄齊州亦有之二月生苗葉似
大戟而花黃色根如蘿蔔皮赤黃肉白初斷時汁出凝黑
如漆三月開淺紅花亦淡黃色不著子陶隱居謂出高麗
者此近之四月五月採根陰乾漆頭者良又有一種草藺
茹色白採者燒鐵爍頭令黑以當漆頭非真也一名屈摺
一名離萎味辛酸微寒有小毒主蝕惡肉敗瘡死肌殺疥
蟲排膿惡血除大風熱氣善忘不樂去熱痺破癥瘕除息

肉

草 星 金



金星草

金星草生關陝川蜀及潭婺諸州皆有之又名金釧草味苦性寒無毒葉青多生背陰石上淨處或竹菁中少日色處或生大木下及背陰多年瓦屋上初出深綠色葉長一二尺至深冬背上生黃星點子兩兩相對色如金因以爲名無花實陵冬葉不凋其根盤屈如竹根而細折之有筋如猪髮五月和根採之風乾主癰疽瘡毒大解硫黃及丹石毒發背癰腫結核用葉和根酒煎服之

草 蓐



三才圖會卷之草大五

七

葎草

葎草舊不著所出州土云生故墟道傍今處處有之葉如
蓖麻而小薄蔓生有細刺花黃白子亦類麻子四月五月
採莖葉暴乾用俗名葛葎蔓又名葛勒蔓味甘苦寒無毒
主五淋利小便止水痢除瘡虛熱渴煮汁及生汁服之

虱

鶴




鶴虱

鶴虱生西戎江淮衡湘間皆有之春生苗葉皺似紫蘇大而尖長不光莖高二尺許七月生黃白花似菊八月結實子極尖細乾即黃黑色採無時南人呼其葉爲火枚味苦平有小毒主虻蟻用之爲散以肥肉臠汁服心痛以淡醋和半七服

休

蚤



蚤休

蚤休即紫河車也俗呼重樓金線生山陽川谷及宛句河
中河陽華鳳文州及江淮間亦有之苗葉似王孫鬼曰等
作二三層六月開黃紫花葉赤黃色上有金絲垂下秋結
紅子根似肥菹皮赤肉白四月五月採根日乾用味苦微
寒有毒王驚癩搖頭弄舌熱氣在中癩疾癰瘡陰蝕下三
蟲去蛇毒

赤地利



赤地利

赤地利舊不載所出州土云所在山谷有之今惟出華山
春夏生苗作蔓繞草木上莖赤葉青似蕎麥葉七月開白
花亦如蕎麥根若菝葜皮黑肉黃亦八月內採根晒乾用
亦名山蕎麥味苦平無毒主赤白冷熱諸痢斷血破血滯
下赤白生肌肉

葛 紫



紫葛

紫葛舊不載所出州土云生山谷今惟江寧府台州有之
春生冬枯似蒲萄而紫色長丈許大者徑二三寸葉似蓂
其根皮俱紫色三月四月採根皮日乾味甘苦寒無毒主
癰瘡取根皮搗爲末醋和封之

英

陸



陸英

陸英生熊耳川谷文云名蒴藿不載所出州土今所在有
之春抽苗莖有節節間生枝葉大似水芹及接骨春夏採
葉秋冬採根莖或云陸英也蘇公云藥對及古方無蒴藿
惟言陸英明非別物今注以性味不同疑非一種味若無
毒主骨間諸痺四肢拘攣疼酸膝寒痛陰痿短氣不足脚
腫

穀 精 草



穀精草

穀精草舊不載所出州土今處處有之春生於穀田中葉
筭俱青根花並白色二月三月內採花用一名戴星草以
其葉細花白而小圓似星故以名爾又有一種莖梗差長
有節根微赤出秦隴間味辛溫無毒主療喉痺齒風痛偏
正頭痛及諸瘡疥飼馬主蟲穎毛焦等病

預 知 子



預知子

預知子舊不載所出州土今淮蜀漢黔壁諸州有之作蔓
生依大水上葉綠有三角面深背淺七月八月有實作房
初生青熟深紅色每房有子五七枚如皂莢子亦褐色光
潤如飛蛾味苦寒無毒殺蟲療蟲治諸毒

巴 蘆 葫




葫蘆巴

葫蘆巴生廣州或云種出海南諸番蓋其國蘆菔子也舶客將種蒔於嶺外亦生然不及番中來者真春生苗夏結子作莢至秋採之至元臙虛冷氣得附子硫黃治腎虛冷腹脅脹滿面色青黑得懷香子桃仁治膀胱氣甚効

賊

木



木賊

木賊生秦隴同華間味微苦無毒主明目療風止痢所生山谷近水地有之獨莖苗如箭竹無葉長一二尺青色經冬不枯寸寸有節採無時味甘微苦無毒主目疾退翳膜又消積塊益肝膽明目療腸風止痢及婦人月水不斷得牛角鯁麝香治休息痢歷久不差得禹餘糧當歸芽蒟療崩中赤白得槐鷲桑耳腸風下血服之効又與槐子枳實相宜主痔疾出血

蒲 公 草



蒲公草

蒲公草舊不著所出州土今處處平澤田園中皆有之春
初生苗葉如苦苣有細刺中心抽一莖莖端出二花色黃
如金錢斷其莖有白汁出人亦噉之俗呼爲蒲英一名構
穉草其平無毒主婦人乳癰腫水煮汁飲之及封之立消

扁


牛



牛扁

牛扁出桂陽川谷今潞州寧州亦有之葉似三董石隴芮
等根如秦艽而細多生平澤下濕地二月八月採以日乾
一名扁特味苦微寒無毒王身皮瘡熱氣可澼湯殺牛虱小
蟲又療牛病

草 漿 酢



酢漿草

酢漿草俗呼爲酸漿舊不載所出州土云生道傍今南中
下濕地及人家園圃中多有之北地亦或有生者葉如水
萍叢生莖端有三葉葉間生細黃花實黑夏月採葉用杓
生嫩時小兒多食之南人用措鋤石器令白如銀味酸寒
無毒主惡瘡癩癢擣傳之殺諸小蟲又治頭風

夏 枯 草



夏枯草

夏枯草生蜀郡川谷今河東淮浙州郡亦有之冬至後生
葉似旋復三月四月開花作穗紫白色似丹參花結子亦
作穗至五月枯四月採一名夕句一名乃東味苦寒無
毒主寒熱瘰癧鼠瘦頭瘡破癥散癭結利脚腫濕痺輕身

實

蒨



苧實

苧實舊不載所出州土今處處有之北人種以績布及打繩索苗苧四五尺或六七尺葉似苧而薄花黃實帶殼如蜀葵中子黑色九月十月採實陰乾用古方亦用根味苦平無毒主赤白冷熱痢破癰腫

地錦草



地錦草

地錦草生滁州及近道田野中味辛無毒主通流血脈亦治氣其苗葉細弱作蔓遍地莖赤葉青赤中夏茂盛八月開紅花細實今醫家取苗子用之

沙 金 海



海金沙

海金沙生黔中山谷湖南亦有初生作小株高一二尺七月採得日中暴令乾以紙襯擊取其沙落紙上旋暴旋擊沙盡乃止至通利小腸得梳子馬牙消蓬沙共療傷寒熱狂

英

水



水英

水英味苦性寒無毒元生永陽池澤及河海邊臨汝人呼爲牛蒡草河北信都人名水節河內及內黃呼爲水棘飭南遂寧等郡名龍移草蜀郡人採其花合面藥淮南諸郡名海在嶺南土地尤宜莖葉肥大名海精木亦名魚津草所在皆有單服之療膝痛

鹿 春 草



麗春草

麗春草味甘微溫無毒出檀嶠山川谷河南淮陽郡潁川及譙郡汝南郡等並呼爲龍羊草河北近山鄴郡汲郡名表蘭艾上黨紫圍山亦有名定參草亦名仙女蒿今所在有之玉療黃疸因時患傷熱變成癰黃者

坐 孛 草



坐竒草

坐竒草生江西及滁州六月開紫花結實採其苗爲藥治打撲所傷兼祛筋骨治風痺

董

紫



紫堇

紫堇味酸微温無毒元生江南吳興郡淮南名楚葵宜春郡名蜀堇豫章郡名苔菜晉陵郡名水蓴菜惟出江淮南單服之療大小人脫肛


杏 葉 草



杏葉草

杏葉草生常州味酸無毒主腸痔下血久不差者一名金
草蔓生籬下葉葉相對秋後有子如雞豆實其中變生一
小蟲子脫而能行中夏採花用

水 耳 草




水甘草

水甘草生筠州味甘無毒治小兒風熱丹毒瘡與甘草同煎飲服春生苗莖青色葉如楊柳多生水際無花十月八月採彼土人多單服不入衆藥

柏

地



地柏

地柏生蜀中山谷河中府亦有之根黃狀如絲莖細上有黃點子無花葉三月生長四五寸許四月採暴乾用主臟毒下血神速

紫 背 龍 牙

本草綱目卷之四十五

十一



紫背龍牙

紫背龍牙生蜀中味辛甘無毒彼土山野人云解一切蛇
毒甚妙煎治咽喉中痛含嚥之効

攀 倒 甌

本草綱目卷之九

四



攀倒甌

攀倒甌生宜州郊野味苦性寒主解利風癰熱盛煩渴狂燥春夏採葉研搗冷水浸絞汁服之甚效其莖葉如薄荷一名致骨草一名班秋莖


佛 甲 草



佛甲草

佛甲草生筠州味甘寒微毒爛研如膏以貼湯火瘡毒多
附石向陽而生有似馬齒莧細小而長有花黃色不結實
四季皆有採無時


百 乳 草



百乳草

百乳草生河中府秦州劔州根黃白色形如瓦松莖葉俱青有如松葉無花三月生苗四月長及五六寸許四時採其根曬乾用下乳亦通順血脉調氣甚佳亦謂之百藥草

撮石合草



撮石合草

撮石合草生眉州平田中苗莖高二尺以來葉似穀葉十
二月萌芽生苗二月有花不結實其苗味甘無毒二月採
之彼土人用療金瘡甚佳

菟

石



石莧

石莧生筠州多附河岸沙石上生味辛苦有小毒春生苗
葉莖青高一尺已來葉如水柳而短八月九月採

百 兩 金




百兩金

百兩金生戎州雲安及河中府味苦性平無毒葉似荔枝
初生背面俱青結花實後背紫面青苗高二三尺有幹如
木凌冬不凋初秋開花青碧色結實如豆大生青熟赤根
入藥採無時用之槌去心治癰熱咽喉腫痛含一寸許嚥
津河中出者根赤色如蔓青莖細青色四月間開黃花似
星宿花五月採根長及一寸曬乾用治風痰

青

小



小青

小青生福州三月生花當月採葉彼土人生搗碎治癰瘡
甚效

曲 節 草



曲節草

曲節草生筠州味甘平無毒治發背瘡消癰腫拔毒四月
生苗莖方色青有節七月八月著花似薄荷結子無用葉
似劉寄奴而青軟一名蛇藍一名綠豆青一名六月冷五
月六月採莖葉陰乾與甘草作末未汁調服